

20. 02 2013 წელი

დაბა ჩაქვი

ერთის მხრივ აჭარის ავტონომიური რესპუბლიკის უმაღლესი საბჭო (შემდგომში „შემსყიდველი“) წარმოდგენილი აპარატის უფროსის რამაზ ბოლქვაძის სახით და მეორეს მხრივ შ.პ.ს. „კანც პაპერი“ (შემდგომში „მიმწოდებელი“) წარმოდგენილი დირექტორის მერაბ იაკობაძის სახით, „სახელმწიფო შესყიდვების შესახებ“ საქართველოს კანონის 20² მუხლის, „ფიქსური სატელეფონო მომსახურებისა და საბეჭდო ქაღალდის სახელმწიფო შესყიდვის კონსოლიდირებული ტენდერის საშუალებით განხორციელების შესახებ“ საქართველოს მთავრობის 2012 წლის 24 დეკემბრის №2045 განკარგულებისა და „საბეჭდო ქაღალდის კონსოლიდირებული ტენდერის ჩატარების წესისა და პირობების დამტკიცების თაობაზე“ კონკურენციისა და სახელმწიფო შესყიდვების სააგენტოს თავმჯდომარის 2013 წლის 23 იანვრის №3 ბრძანების და საბეჭდო ქაღალდის შესყიდვის თაობაზე კონსოლიდირებული ტენდერის №CON130000010 შედეგების საფუძველზე, ვდებთ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული და მასში მინიშნებული ყველა დოკუმენტით.
- 1.2. „ხელშეკრულების ღირებულება“ – ხელშეკრულების ჯამური ღირებულება, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „შემსყიდველი ორგანიზაცია“ (შემდგომ – შემსყიდველი) – ორგანიზაცია რომელიც ახორციელებს შესყიდვას.
- 1.4. „მიმწოდებელი“ – პირი, რომელმაც მოიპოვა გამარჯვება ტენდერში და აწვდის საქონელს მოცემული ხელშეკრულების ფარგლებში.
- 1.5. „დღე“, „კვირა“, „თვე“ – კალენდარული დღე, კვირა, თვე.

2. ხელშეკრულების საგანი

- 2.1. წინამდებარე ხელშეკრულების საგანს წარმოადგენს პირველი ხარისხის საბეჭდო ქაღალდის – CPV კოდი: 30100000 მიწოდება – შესყიდვა.
- 2.2. წინამდებარე ხელშეკრულების საფუძველზე, „მიმწოდებელი“ კისრულობს ვალდებულებას მოთხოვნის შესაბამისად, მთლიანი სახელშეკრულებო თანხის ფარგლებში, მიაწოდოს „შემსყიდველს“ პირველი ხარისხის საბეჭდო ქაღალდი (შემდგომში „საქონელი“), ხოლო „შემსყიდველი“ კისრულობს ვალდებულებას მიიღოს მოთხოვნილი „საქონელი“ და გადაიხადოს მისი ღირებულება ხელშეკრულებით დადგენილი წესით.
- 2.3. შესასყიდი საქონელის, შესყიდვის ობიექტის ძირითადი მახასიათებლებია: ქაღალდის სრული დასახელება (ბრენდი) – კოპი&ლაზერ, გრამაჟი (გრ/მ²) – 80, სისქე (UM) – 107, სითეთრე (CIE) – 155, გაუმჭვირვალობა % –95, სიკაშკაშე % –95, გაუმჭვირვალობა % –95, ზედაპირის ხაოიანობა (ML/MIN) – 210, შეკვრაში ფურცლების რაოდენობა – 500.

3. შესასყიდი საქონლის რაოდენობა და ხელშეკრულების ღირებულება

- 3.1. ხელშეკრულების ჯამური ღირებულება შეადგენს 2997,14 (ორიათას ცხრაას ოთხმოცდაჩვიდმეტი ლარი და თოთხმეტი თეთრი) ლარს.
- 3.2. შესასყიდი საქონლის რაოდენობაა 554 (ხუთას ორმოცდათოთხმეტი) შეკვრა.
- 3.3. შესასყიდი საქონლის ერთეულის ფასი, ერთი შეკვრის ღირებულება შეადგენს 5,41 (ხუთი ლარი და ორმოცდაერთი თეთრი) ლარს.
- 3.4. ხელშეკრულების ჯამური ღირებულება მოიცავს შესყიდვის ობიექტის მიწოდებასთან დაკავშირებულ ყველა თანამდევ ხარჯს, კანონმდებლობით დადგენილ ყველა გადასახადს, მოსაკრებელს. კანონმდებლობით დადგენილი გადასახადების გადახდას უზრუნველყოფს მიმწოდებელი.

4. მხარეთა უფლება-მოვალეობანი

- 4.1. „მიმწოდებელი“ ვალდებულია:
 - ა) მიაწოდოს „შემსყიდველს“ საქონელი ამ ხელშეკრულებით გათვალისწინებული წესით და დადგენილ ვადებში;
 - ბ) უზრუნველყოს შესასყიდი საქონლის დროულად მიწოდება შემსყიდველის მხრიდან რაიმე დამატებითი დანახარჯის გაწევის გარეშე;
 - გ) მიაწოდოს შემსყიდველს საქონელი მოთხოვნის შესაბამისად, ხელშეკრულებით გათვალისწინებული პირობების თანახმად;
 - დ) მიაწოდოს შემსყიდველს ხელშეკრულებით გათვალისწინებული ხარისხიანი საქონელი;
 - ე) შეტყობინების მიღებისთანავე უზრუნველყოს საქონლის მიღების ან/და საბოლოო შემოწმების შედეგად დაწუნებული საქონლის შეცვლა შემსყიდველის მხრიდან რაიმე დამატებითი დანახარჯის გაწევის გარეშე.
- 4.2. „მიმწოდებელი“ იძლევა გარანტიას მიწოდებული საქონლის ხარისხზე, მის შესაბამისობაზე ხელშეკრულებით გათვალისწინებულ პირობებთან, სტანდარტებთან.
- 4.3. „მიმწოდებელს“ უფლება აქვს მოითხოვოს ფაქტობრივად მიწოდებული და ჩაბარებული საქონლის ღირებულების ანაზღაურება ხელშეკრულებით გათვალისწინებული წესით და დადგენილ ვადებში.
- 4.4. „შემსყიდველი“ ვალდებულია მიიღოს მოთხოვნილი საქონელი და გადაიხადოს მისი ღირებულება ხელშეკრულებით გათვალისწინებული წესით და დადგენილ ვადებში.
- 4.5. „შემსყიდველს“ უფლება აქვს:
 - ა) მოითხოვოს „მიმწოდებლისგან“ საქონლის მიწოდება ხელშეკრულებით დადგენილი წესით და დადგენილ ვადებში;

- ბ) მოითხოვოს „მიმწოდებლისაგან“ შესასყიდი საქონლის დროულად მიწოდება შემსყიდველის მხრიდან რაიმე დამატებითი დანახარჯის გაწევის გარეშე;
- გ) მოითხოვოს „მიმწოდებლისაგან“ საქონლის მიღების ან/და საბოლოო შემოწმების შედეგად დაწუნებული საქონლის შეცვლა, დამატებითი დანახარჯის გაწევის გარეშე;
- დ) მოითხოვოს „მიმწოდებლისაგან“ შესასყიდი საქონლის მიწოდება ხელშეკრულებით გათვალისწინებული პირობების შესაბამისად;
- ე) შესასყიდი საქონელის მიწოდების დასრულებამდე გამოითხოვოს მიმწოდებლისაგან მისთვის საჭირო დოკუმენტი;
- ვ) უარი თქვას უხარისხო საქონლის მიღებაზე.

5. საქონლის მიწოდების წესი და ვადები

- 5.1. შესასყიდი საქონელის მიწოდება მოხდება „შემსყიდველის“ მოთხოვნის შესაბამისად, მხარეების მიერ ხელშეკრულების ხელმოწერის დღიდან 2013 წლის 20 აპრილამდე პერიოდში.
- 5.2. შესასყიდი საქონელის მიწოდება მოხდება შემდეგ მისამართზე: აჭარის ავტონომიური რესპუბლიკის უმაღლესი საბჭოს ადმინისტრაციული შენობა, დაბა ჩაქვი, მუგენიშვილის ქ. №25.
- 5.3. საქონელი ჩაითვლება მიღებულად მხარეთა შესაბამისად უფლებამოსილი პირების მიერ მიღება-ჩაბარების აქტის გაფორმების და მიმწოდებლის მიერ წარმოდგენილ სასაქონლო ზედნაღებზე ან/და საგადასახადო ანგარიშგაქტურაზე შემსყიდველის კოორდინატორის ხელმოწერის (დამოწმების) შემდეგ.
- 5.4. შესყიდვის ობიექტის მიღების ან/და საბოლოო შემოწმების შედეგად, ასევე კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოჩენას საკუთარი ხარჯებით უზრუნველყოფს მიმწოდებელი.

6. ანგარიშსწორების ფორმა და ვადები

- 6.1. მიმწოდებელთან ანგარიშსწორება განხორციელდება უნაღლო ანგარიშსწორების ფორმით, ლარში.
- 6.2. მიმწოდებელთან ანგარიშსწორება იწარმოებს ფაქტობრივად მიღებული საქონლის რაოდენობის გათვალისწინებით, მხარეებს შორის მიღება-ჩაბარების აქტის გაფორმებიდან, მიმწოდებლის მიერ შესასყიდი საქონლის მოწოდების დამადასტურებელი საბუთის, შესაბამისი საბუღალტრო – საანგარიშსწორებო დოკუმენტაციის წარდგენიდან და შემსყიდველის კოორდინატორის მიერ ხელმოწერიდან (დამოწმებიდან) 5 (ხუთი) სამუშაო დღის ვადაში, მაგრამ არაუგვიანეს საბუღალტრო ქაღალდის მიწოდებიდან 10 (ათი) სამუშაო დღის ვადაში.

7. ხელშეკრულებაში ცვლილების შეტანა და ხელშეკრულების შეწყვეტა

- 7.1. არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარეშე.
- 7.2. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 7.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.
- 7.4. მიმწოდებლის მიერ კანონმდებლობითა და კონსოლიდირებული ტენდერის შედეგად ნაკისრი ვალდებულებების შეუსრულებლობის ან/და არაჯეროვნად შესრულების შემთხვევაში შემსყიდველს უფლება აქვს მიმართოს სატენდერო კომისიას ხელშეკრულების შეწყვეტის საკითხის გადაწყვეტის მიზნით. სატენდერო კომისიის მიერ ხელშეკრულების შეწყვეტის შესახებ რეკომენდაციის მიღების შემთხვევაში შემსყიდველი უფლებამოსილია შეწყვიტოს ხელშეკრულება.
- 7.5. მხარე ვალდებულია სამი კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს 7.4. პუნქტით გათვალისწინებული გადაწყვეტილების მიღების განზრახვის თაობაზე.
- 7.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.
- 7.7. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.
- 7.8. ხელშეკრულება ასევე შეიძლება შეწყდეს კანონმდებლობით გათვალისწინებულ სხვა შემთხვევებში.

8. ხელშეკრულების პირობების შეუსრულებლობა

- 8.1. წინამდებარე ხელშეკრულებით განსაზღვრული ვადების დარღვევის შემთხვევაში, ვადის გადამცილებელი მხარე ვალდებულია ყოველი გადაცილებული დღისათვის, მეორე მხარეს პირგასამტეხლოს სახით აუნაზღაუროს ხელშეკრულების ჯამური ღირებულების 0.1%.
- 8.2. მიმწოდებლის მიერ კანონმდებლობითა და კონსოლიდირებული ტენდერის შედეგად ნაკისრი ვალდებულებების შეუსრულებლობის ან/და არაჯეროვნად შესრულების გამო შემსყიდველის მიერ წინამდებარე ხელშეკრულების 7.4. პუნქტით დადგენილი პროცედურების დაცვით ხელშეკრულების შეწყვეტის შემთხვევაში მიმწოდებელს დაეკისრება შემსყიდველის სასარგებლოდ საჯარიმო თანხის გადახდა ხელშეკრულებით შესასყიდი (დარჩენილი) საბუღალტრო ქაღალდის ღირებულების 5%-ის ოდენობით.
- 8.3. იმ შემთხვევაში, თუ მიმწოდებელზე დაკისრებული პირგასამტეხლოს მთლიანი თანხა გადააჭარბებს ხელშეკრულების ჯამური ღირებულების 5%-ს, შემსყიდველს უფლება აქვს შეწყვიტოს ხელშეკრულება წინამდებარე ხელშეკრულების 7.4. პუნქტით დადგენილი პროცედურების დაცვით და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს და წინამდებარე ხელშეკრულების 8.2. პუნქტით დადგენილი ჯარიმის თანხის ანაზღაურება.
- 8.4. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.
- 8.5. ხელშეკრულების შეწყვეტა (მათ შორის ვადის გასვლის გამო შეწყვეტა) არ ათავისუფლებს მხარეებს იმ ვალდებულებების შესრულებისაგან, რომლებიც ხელშეკრულების შეწყვეტამდე წარმოიშვა.

9. უფლებების გადაცემა

- 9.1. მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მესამე მხარეს მოცემული ხელშეკრულებით არსებული თავისი ვალდებულებები.

10. ხელშეკრულების შესრულების კონტროლი

10.1. „შემსყიდველს“ უფლება აქვს, თავისი წარმომადგენლის (კოორდინატორის) მეშვეობით, ხელშეკრულების შესრულების ნებისმიერ ეტაპზე განახორციელოს ხელშეკრულების შესრულების კონტროლი (ინსპექტირება), რაც გულისხმობს შემსყიდველის მიერ ხელშეკრულების პირობების შესრულების, ასევე მიწოდებული საქონლის ხარისხის კონტროლს.

10.2. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

11. ფორს-მაჟორი

11.1. ხელშეკრულების პირობების ან რომელიმე მათგანის მოქმედების შეჩერება, „ფორს - მაჟორული“ გარემოებების დადგომის გამო, არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციებს.

11.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი.

11.3. მხარეთა ვალდებულებები და პასუხისმგებლობა განახლდება „ფორს-მაჟორული“ გარემოებების მოქმედების დასრულებისთანავე.

12. დავები და მათი გადაწყვეტის წესი

12.1. მხარეები ვალდებული არიან შეეცადონ ყოველგვარი დავა გადაჭრან ურთიერთმოლაპარაკების საფუძველზე. იმ შემთხვევაში, თუ ისინი ვერ გადაჭრიან დავას ურთიერთშეთანხმების გზით, დავა განიხილება სასამართლოს მიერ.

13. ხელშეკრულების მოქმედების ვადა

13.1. ხელშეკრულება ძალაში შედის მხარეთა მიერ ხელშეკრულების ხელმოწერის დღიდან.

13.2. ხელშეკრულება მოქმედებს 2013 წლის 30 აპრილამდე.

14. საერთო პირობები

14.1. მხარეები თანხმდებიან, რომ ურთიერთობები, რომლებიც არ იქნა რეგლამენტირებული წინამდებარე ხელშეკრულებით, უნდა დარეგულირდეს საქართველოს კანონმდებლობით.

14.2. მხარეები თანხმდებიან, რომ წინამდებარე ხელშეკრულებით გათვალისწინებული საჯარიმო სანქციების გამოყენების შემთხვევაში ხელშეკრულება მოქმედებს ჯარიმის თანხის სრულად დაფარვის მომენტამდე, საბოლოო ანგარიშსწორებამდე.

14.3. მხარეები თანხმდებიან, რომ წინამდებარე ხელშეკრულების 3.1. პუნქტით განსაზღვრული ჯამური ღირებულების მთლიანად აუთვისებლობის შემთხვევაში შემსყიდველი პასუხს არ აგებს, აღნიშნულ შემთხვევაში ხელშეკრულების ჯამურ ღირებულებად ჩაითვლება ფაქტიურად ათვისებული თანხა, რაც ცალკე წერილობით შეთანხმებას აღარ საჭიროებს.

14.4. მხარეები თანხმდებიან, რომ მისამართის ან მომსახურე ბანკის რეკვიზიტების შეცვლის შემთხვევაში დაუყონებლივ აცნობონ ერთმანეთს ამის შესახებ.

14.6. ხელშეკრულება შედგენილია ქართულ ენაზე, სამ ეგზემპლარად და სამივე ეგზემპლარს აქვს თანაბარი იურიდიული ძალა, აქედან ორი ეგზემპლარი ინახება „შემსყიდველთან“, ხოლო მესამე ეგზემპლარი „მიმწოდებელთან“.

15. მხარეთა იურიდიული მისამართები და რეკვიზიტები

„შემსყიდველი“

„მიმწოდებელი“

აჭარის ავტონომიური რესპუბლიკის
უმაღლესი საბჭო

შ.პ.ს. „კანც პაპერი“

მის.: დაბა ჩაქვი, მეგენიშვილის ქ. №25
აჭარის ა.რ. ფინანსთა და ეკონომიკის
სამინისტროს სახაზინო სამსახური
სახაზინო ანგარიშის №GE88LB0121162303587000
საიდენტიფიკაციო კოდი: 245 425 749
მიმღების ბანკი: სს „ლიბერთი ბანკი“
ბანკის კოდი: LBRTGE22

მის.: იურ. ქ. თბილისი, ჩოლოყაშვილის 2მ/რ, კორპ.1, ბ-41
მის.: ფაქტ. ქ. თბილისი, ჩოლოყაშვილის 50ა
საიდენტიფიკაციო კოდი: 406058803
მიმღების ბანკი: სს „ვითიბი ბანკი“
ჯორჯია“
ბანკის კოდი: UGEBGE22
ანგარიშის №GE07VT6600112233443602

აპარატის უფროსი

დირექტორი


რ. ბოლქვაძე


შ. იაკობაძე